

ABDULAH NAKAŠ
OPĆA BOLNICA

**PRAVILNIK O
IZMJENAMA I DOPUNAMA PRAVILNIKA O JAVNIM NABAVKAMA ROBA,
USLUGA I RADOVA JAVNE USTANOVE
OPĆA BOLNICA „PRIM. DR. ABDULAH NAKAŠ“
SARAJEVO**

Novembar 2018. godine

Na osnovu člana 3. stav (1) Zakona o javnim nabavkama („Službeni glasnik BiH“ broj 39/14), člana 8. Pravilnika o postupku direktnog sporazuma („Službeni glasnik BiH“ broj 90/14), člana 9. Pravilnika o uspostavljanju i radu komisije za javne nabavke („Službeni glasnik BiH“ broj 103/14), člana 20. i člana 46. stav (3) tačka b) Statuta Javne ustanove Opća bolnica „Prim. dr Abdulah Nakaš“ („Službene novine Kantona Sarajevo“ broj 22/14), Upravni odbor Javne ustanove Opća bolnica „Prim. dr Abdulah Nakaš“ na 17. (sedamnestoj) redovnoj sjednici održanoj dana 08.11.2018. godine, donosi :

**PRAVILNIK
O
IZMJENAMA I DOPUNAMA PRAVILNIKA O JAVNIM NABAVKAMA ROBA,
USLUGA I RADOVA JAVNE USTANOVE
OPĆA BOLNICA „PRIM. DR. ABDULAH NAKAŠ“
SARAJEVO**

Član 1.

U svim članovima Pravilnika o javnim nabavkama roba, usluga i radova broj 108-162/16 od 21.10.2016. godine naziv „Služba za javne nabavke“ mijenja se i glasi: „Odsjek za javne nabavke“ u svim padežima.

Član 2.

Član 4. Pravilnika o javnim nabavkama roba, usluga i radova mijenja se i glasi:
„Ovim Pravilnikom se vrši upućivanje na primjenu Procedura sačinjenim u skladu sa Akreditacijskim standardima za Bolnice – Prvi dio: Upravljanje i rukovođenje Bolnicom - Standard 8: Kupovina i prodaja roba i usluga.
Pitanja koja su uređena tim procedurama su u skladu sa pitanjima koja se uređuju ovim Pravilnikom i Zakonom o javnim nabavkama“.

Član 3.

Ostale odredbe Pravilnika o javnim nabavkama roba, usluga i radova broj 108-162/16 od 21.10.2016. godine ostaju ne promijenjene.

Član 4.

Ovaj Pravilnik o izmjenama i dopunama Pravilnika o javnim nabavkama roba, usluga i radova predstavlja sastavni dio Pravilnika o javnim nabavkama roba, usluga i radova broj 108-162/16 od 21.10.2016. godine.

Član 5.

Ovaj Pravilnik stupa na snagu danom donošenja.


PRIPREMILA

Amra Petrović, BA općeg prava, sekretar Upravnog odbora



KONTROLISAO

Samir Fešah, dipl.jur., Pomoćnik direktora za pravne, kadrovske i opće poslove



Broj: 24-187/18

Sarajevo, 08.11.2018. godine



Predsjednik Upravnog odbora
Dr. Sead Željo

OBRAZLOŽENJE

Na prijedlog Odsjeka za javne nabavke vrši se izmjena naziva „Služba za javne nabavke“ u svim članovima Pravilnika o javnim nabavkama roba, usluga i radova broj 108-162/16 od 21.10.2016. godine.

Pravilnik o javnim nabavkama roba, usluga i radova usvojen je na sjednici Upravnog odbora dana 21.10.2016. godine, odnosno prije donošenja Pravilnika o radu, unutrašnjoj organizaciji i sistematizaciji radnih mjesta koji je usvojen na sjednici Upravnog odbora dana 27.04.2018. godine.

Pravilnikom o radu, unutrašnjoj organizaciji i sistematizaciji radnih mjesta Opće bolnice broj 24-83/18 od 27.04.2018. godine je utvrđena unutrašnja organizacija radnih mjesta na osnovu koje sve organizacione jedinice nose nazive odjeljenja/odsjeci.

Navedenim Pravilnikom su sistematizovana i radna mjesta unutar Odsjeka za javne nabavke. Stoga je bilo potrebno uskladiti terminološki naziv Odsjeka.

Nadalje, Pravilnikom o javnim nabavkama roba, usluga i radova u članu 4. regulisana je veza sa drugim dokumentima odnosno sa Procedurom nabavki i kolanjem dokumentacije broj 3649/15 od 03.07.2015. godine.

U periodu od 2016. godine do 2018. godine Opća bolnica je kroz proces akreditacije donijela niz Procedura usklađenih sa Akreditacijskim standardima za Bolnice, tj. sa Standardom 8. te je član 4. potrebno izmijeniti i uskladiti sa Procedurama koje su u primjeni, a koje se odnose na nabavku roba, usluga i radova.

Smatra se da je potrebno donijeti Pravilnik o izmjenama i dopunama Pravilnika o javnim nabavkama roba, usluga i radova kako bi isti bio usklađen sa Pravilnikom o radu, unutrašnjoj organizaciji i sistematizaciji radnih mjesta Opće bolnice broj 24-83/18 od 27.04.2018. godine i Procedurama usklađenim sa Akreditacijskim standardima za Bolnice.